



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Proœmium ad Virginem sanctissimam Deiparam Mariam operis  
nuncupatio, ejusdemque suplex, ac demissa invocatio.

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

I

# MARIA DEIPARA THRONVS DEI DE VIRGINIS BEATISSIMÆ

DEIPARÆ MARIÆ LAUDIBUS PRÆCLARISSIMIS,

*Sub typo Divini throni in Apocalypsis cap. 4. adumbrata: Deque pietate, ac devotione, qua eadem  
Deipara à nobis colenda est.*

AUCTORE

PETRO ANTONIO SPINELLO NEAPOLITANO  
E SOCIETATE IESU.  
PROOEMIUM

AD VIRGINEM SANCTISSIMAM DEIPARAM

Mariam operis nuncupatio.

*Eiusdemque supplex, ac demissa invocatio.*



I quo tempore de septem Principibus Angelorum divino throno astan-  
tibus (qui tamen Angelorum primi, administratorij certè, Apostolo *Hebr. 1.*  
teste, sunt spiritus,) scribere institueram, vereri merito poteram ad tam  
sublimem, & à nostris sensibus maximè remotam tractationem aggredi;  
propterea quod ab eorum, de quibus scripturus eram similitudine, ac  
imitatione, quam longissimè abessem; ac tum pro eorum sanctitate, atque  
præstantia, tum pro mea tenuitate, seu infantia potius, ad eorum orna-  
menta, vel animo concipienda, vel verbis explicanda, & vitæ integritatem, & ingenij soler-  
tiam, & eloquentiæ ubertatem mihi deesse intelligerem: quanto mihi timendum est ve-  
hementius, Virgo sanctissima, quæ ipsius Dei Mater, & Angelorum omnium es Regina, ne  
maximam subeam temeritatis notam, si inopiæ, & imbecillitatis meæ conscientia admoni-  
tus ad tuas laudes præstantia singulares, magnitudine immensas, multitudine innumera-  
biles coner accedere? Quippe quæ, (ut Patrum verbis utar) *a ea puritate nites, qua maior sub*  
*a Ansel. de*  
*Concept.*  
*Virg. c. 18.*  
*b D. Tho.*  
*p. 1. q. 25.*  
*c ar. 6. ad 4i*  
*c Damas.*  
*orat. 2. de*  
*Assumpt.*  
*d Epipha.*  
*orat. de*  
*laud. Virg.*  
*e S. Berna.*  
*Senen. 10.*  
*2. serm. 52.*  
*f art. 3. ca. 8*  
*f Andr.*  
*Cret. orat.*  
*1. de dorm.*  
*1. Reg. 6,*  
*declina-*

*Deo nequit intelligi: quæque b Mater Dei cum sis, dignitatem obtines propemodum infinitam, c ideo*  
*quæ ne si omnes quidem toto orbe dispersæ lingua in unum coeant, tuas laudes oratione consequi pos-*  
*sent cum ipsa omnium encomiorum leges excedas, d cui prædicandæ neque hominum lingua, neque*  
*Angelorum est satis: e Tanta siquidem tua est perfectio, ut soli Deo cognoscenda reservatur: f ut pro-*  
*pterea solus Dei sit te pro dignitate laudare. Quo circa quamvis nihil optassè ardentius,*  
*quam ut de te aliquid, ac de tuis amplissimis laudibus scribendo conarer attingere, meam*  
*que erga te pietatem, atque observantiam testarer litteris, ad quod excitabar, tum quodam*  
*desiderii impetu, atque amoris erga te incensè stimulis: tum etiam pia quadam beneficio-*  
*rum recordatione non solum in genus humanum universum, sed in me ipsum abs te colla-*  
*torum, præsertim quod tu, Virgo Beatissima, è mundi me fluctibus, ac procellis, in tran-*  
*quillissimo, ac tutissimo Religionis Societatis Iesu filij tui portu collocasti: à scribendo*  
*tamen & retrahebar conscientiam multiplicis imbecillitatis, atque exilitatis meæ, & retarda-*  
*bar reverentiâ tui, & Ozæ Sacerdotis, quod ad Dei Arcam temere manum extendere, &*

A



PROOEM. AD DEIPAR. SANCTISS.

2

declinata in sustinere ausus esset, subito interitu deterrebar, ne tuas, Virgo sanctissima, quæ  
 ipfius Divinæ Sapientiæ vivens Arca fuisti, laudes ingenij mei culpa, contaminata lingua,  
 atque anima culparum sordibus inquinata deterrerem: *neque enim est speciosa laus in ore pec-*  
*catore.* Quo factum est, ut animus meus ab hoc de te scribendi desiderio omnino conquies-  
 ceret, præsertim cum multi, & præstantes viri non solum superioribus seculis, sed hac no-  
 stra etiam ætate præclarissima de tuis Laudibus, plenissimaque volumina egregiè edide-  
 rint, Quoniam verò dum opus de septem Principibus Angelorum in conspectu Dei astā-  
 tibus, quod dudum inchoaveram, molior, visionemque illam explico, quam S. Ioannes nar-  
 rat sacræ Apocal. cap. 4. ubi typis quibusdam & symbolis Divina Maiestas, & Cælestis Au-  
 læ amplitudo, atque apparatus describitur; dumque etiam, atque etiam mecum cogito, ac  
 inspicio attentius, an eorum typorum aliquo ipsa Virgo Deipara, quæ secundum Christu,  
 curiæ illius es omnium præcipua, expressa sis: reperire mihi sum visus sub Divinæ sedis,  
 thronivè mystico illo typo potissimum adumbratam, atque significatam te esse: quam rem  
 dum multorum Patrum auctoritate, ac testimoniis, qui hoc te nomine reuerenter appellat  
 confirmare nitor, rationumque momenta ad idem probandum expendo, in illis explican-  
 dis tanta se obtulit laudum tuarum vbertas, tanta præstantia, vt in iustum volumen excre-  
 scerent Hinc itaque factum est ut quasi voce quadam expergesfactus, nihil habuerim anti-  
 quius, quam vt animum ad tuas laudes enarrandas adicerem. Sed quia huic operi perficien-  
 do propter ea, quæ commemoravi, imparem me sentio; ex alia verò parte nova illa occasio-  
 ne excitatus gestit animus laudes tuas efferre; liceat mihi idem tibi, quod devotus Bernar-  
 dus filio tuo in suo iubilo dicebat,

Eccles. 45.

Apoc. 4.

Bernard.

*Cum dignè loqui nequeam,  
 De te tamen nō sileam.  
 Amor facit vt audeam,  
 Cum de te solum gaudeam.*

*Amor tuus dulcissimus,  
 Et verè suauissimus,  
 Plus illi gratissimus.  
 Quàm dicere sufficimus.*

Verba  
 sunt Eph  
 ram in ora  
 de Deipa  
 ra quibus  
 vultur Ec  
 clesia.

Bernard.  
 ser. 1. de  
 Adventu.

Idcirco ad tuam opem in hac de te tractatione mihi confugiendum existimavi, ut tuis  
 auspicijs, atque præsidijs, opus hoc ad optatum finem perducatur. Vt igitur dignum ali-  
 quid de te eloqui possim, dignare me seruum tuum humilem laudare te Virgo sacrata: tuo enim  
 patrocinio fultus, tui auxilij ipe erectus, tuo præsidio confirmatus, immensum laudu tua-  
 rum Oceanum perexigua mei ingenij cymba ingredi non dubitabo; & te duce, quæ maris  
 es Stella, hanc nostram disputationem facilem habituram cursum mihi facile pollicetur.  
 Ea porrò omnia in hanc formam redacta, non quod tuo nomine digna sint, sed profectò,  
 ut ex tuo nomine dignitatem aliquam consequantur, non alij, quam tuo nomini, Augustif-  
 sima Cæli Regina, dicare volui, ac consecrare, & in claritate, ac splendore eiusdem tui no-  
 minis apparere. Spectabis ergo, Virgo Mater Beatissima non donum per se tenuissimum,  
 tuisque meritis omnibus ex partibus impar, neque offerentis indignitatem, ac demerita, sed  
 benignitatem eam, quam tibi dilectissimus filius tuus, idemque Deus noster cumulatis-  
 simè, atque abundantissimè est elargitus, qua munera qualiacunque, etiam exigua, facili vul-  
 tu aspicere non dedignaris, Meque licet multis nominibus tanto patrocinio indignu, perge  
 tamen, Virgo Beatissima, solita tua charitate in omni vita ad extremum vsque spiritum  
 foueri, ac tutari; & tandem à Dæmone hoste sæuissimo protegere, & hora mortis suscipere  
 dignare, ut in suum Regnum per te me recipiat, qui per te datus est mihi Iesus Christus  
 filius tuus qui cum Patre, & Spiritu sancto vivit, & regnat in sæcula sæculorum Amen.

SEDIS